

簸天下如揚糠其敗也抉目而折骨其成也頂冕而垂裳由此觀之土地足以均沛澤施靈光而已易險非所較賢否亦未可議也先生曰以易險非所較者固已乖矣以賢否非所議者鳥乎地欲得險勢欲參德設險以守其國有德則昌者乎地欲得險勢欲參德迫隘卑陋則無以容萬乘之扈從供百司之廩餼據偏守隅則無以限四方之貢職平道里之遠邇撫原申區割宅制里走八極而奔走正南面而負宸輿天下於康達力士體鞵而不敢取貪夫汗縮而不敢耽者恃德之險也襟馮終南太華之固背負清渭濁河之注搯人之吭而拊人之脊一日有變而萬卒立具然而布衣可以窺隙而試勇匹夫可以爭衡而號呼彼天府之衍沃適爲人而保聚此以地爲險者也地嚴德暢然後爲神造之域天設之阻大哉炎宋帝眷所矚而此汴都百嘉所毓前無湍激旋淵呂梁之絕流後無太行石洞孤飛可望浚深之巖谷豐樂和易殊異四方之俗兵甲士徒之須好賜匪頌之用廟郊社稷百神之祀天子奉養羣臣稍廩之費以至五穀六牲魚鼈鳥獸闔國門而取足甲不解累刀不離鞬秉鉞北陲而敵人奔幕抗旌西焚而冉驪螳伏南蠻散徒黨而入質朝鮮畏蒞醢而修睦解編髮而頂文弁削左衽而曳華服逆節躑躅而取禍者折簡呼之

而就戮耽耽帝居如森鋌利鏃之外向死士逡巡而莫觸仁風冒於海隅頌聲溢乎家塾伊昔天下阡陌王猷失度皇綱解紐嗥豺當路帝懷寶極未知所付可受方國莫越藝祖圖緯協期謳謠扇懽赤子雲望而風靡英雄螽躍而蠅附玉帛駿奔者萬國冠冕克塞乎寰宇絕塞稅鎧而免軸障壘熄燧而摧櫓拜檻神威有此萬旅奕世載德蔑聞過舉髮櫛禾耨子攜稚哺擊菓懋德拔惡鑒嫵鉏骨角之磔刻刑櫓鎗而牧圉爰暨皇帝粉飾樸質稱量纖矩錚錚奏廟之金玉琛琛夾楹之簋盥訓典嚴密財本豐阜刑罰糾虔布施優裕田有願耕之農市有願藏之賈草竊還業而歛迹大道四通而不剽車續馬連千百爲羣肩輿捆載前卻而後阻搏壤歌嘍者萬井未聞歐噉而告瘡雖立墻爲界其誰敢櫟搏以批押况此汴都者乎抑又有天下之壯客未嘗覩其與也且宋之初建是都也上睇天下之壯客未嘗覩其與也且宋之初建是皇極基以賢傑限以法士垣以大師屏以大邦扞以公侯城以宗子以義爲路以禮爲門鍵鑰以大邦扞以權掃除以政周懷以恩乃立室家以安吾君有庭其桓社稷臣也有挺其桷衆材會也有闔孔張通厥明也有牖孔陽達厥聰也其檻如衡前有憑也其壁如削後有據也其陞則崇正陵踐也其基則隆帝居